



22181

III

Mag. St. Dr. p.

Jelinski Seb. Stanisl. Architecta gloriae et ha-
notis Asiae

PANEG. et VITAE

Polon. Fol.

No. 1438

Biblioteka Jagiellońska



stdr0003569



ARCHITECTA

GLORIÆ ET HONORIS

ASCIA,

Illustrissimo ac Magnifico Dño,

D. CAROLO

DE CZEKARZOWICE

TARŁO,

PALATINO LVBLINENSI,
STEZICENSI CAPITANEO,

D U M

Lublina in Comitibus eiusdem Palatinatûs,

inter felicissimi ingressûs auspiciâ,
maximo publicæ lætitiæ applausu

EXCIPERETUR;

A

M. SEBASTIANO STANISLAO JELINSKI,

In Alma Vniuersitate Craconiensi,

Philosophiæ Doctore & Professore,

promptissimo obsequio,

PRÆSENTATA.

Anno reparati à Deo Homine Mundi, 1685.

Mense Julio.

CRACOVIAE, TYPIS VNIVERSITATIS.

In Auitum Insigne
Illustrissimi Domini.



Fulget Sarmatica fabricatrix ASCIA molis,
Hanc usus Patria nobilis arte polit,
Hec Aras, hac Templa struit sacrosq; Penates
Clavas Magnorum condit & illa Ducum,
Sceptra suo candore beat, soliumq; serenat,
Sanguinei Marris celsa trophæa parat.
Nonne Palatinas potuit fabricare Curules
Sarmatia quæ tam nobile struxit Opus.

Anno 1681. Mens. Julio.

22481

CRACOVIAE, TYPIS UNIVERSITATIS.

ORATIO.



Agnum istud Nominis Tui decus, quod capeffis ILLVSTRISIME DOMINE, & fulgur hoc ASCIÆ Tuæ, quod felicissimo ingressu explicas; sicut animos omnium, quibus, toto plaudente theatro, comitatus ingrederis, in immensam lætitiæ attollit magnitudinem; ita ingenia in angustos concludit limites, quibus laudandi Tui grandior incumbit moles; vt scribere de Te quidpiam dicereque, ceu Lugdunensem Rhetor ad aram expalleſcant. Amplitudo quippè meritorum & gloriæ Tuæ, dum eò deuenit fastigij, quò omnium votis & desiderijs ferebatur; quantâ demulcet voluptate mentes, votis tandem suis redditas: tantis pectora Phœbo Musisque sacra, circumuoluit difficultatibus; dum virium suarum conscia, nihil tanto Nomine dignum, nihil tantis laudibus æquale, in sua tenuitate intuentur: & non vano sibi præcauent; quod vetus monuit sapiens antiquitas; ne dissimiles sui magnæ virtutes, ingenij culpâ euadant; illustriores futuræ, eleganti silentio; quàm inculto temerata sermone; quæ ipsæ se suis ostentant gloriosius ornamentis; quàm ab Oratione nouæ commendationis aliquid mutuantur. Neq; enim in cuiusquam lucubratibus quantumvis præconiis, adeò sublime quidpiam & elaboratum est: quod ingentibus Tuis meritis, vt par est dilaudandis, impendi: virtutibusq; Tuis, quibus supra humanæ facundiæ captum promines, ex æquo conferri possit. Loquitur abundè satis, rectè factorum Tuorum conscia, per Orbem Sarmaticum volans fama; quibus Te viderat Reipublicæ momenta librantem eminere: loquuntur tot præstantissimorum in Republica virorum de Te sensus; quem in omnibus spectârunt negotijs, amantem Patriæ, Principi fidum, animo candidum: & cùm plerosq; Prothei genus varias simulare formas, mutare faciem, variosq; sumere colores, albi & pudici nescios Chamæleontes, conspexerint: Te semper illibatum, in quamcunq; incideris rerum temporumue feriem, præferentem pectus, illimi candore, illasâ mentis integritate, calcatis infensorum machinamentis oblectatum, Herculeis passibus, ad publicum decus & commodum, ad immortalitatem gloriæ contendisse sunt experti. Loquuntur inquam ar-

dua quæuis negotia, Tuam in omnibus dexteritatem, sapientiam, prudentiam: non tamen, ita Tua computant acta; ita attingunt laudes; ut eas in compendio referre, complecti; possint: quin plura longè cogitantibus dicenda supersint; omnibusq; his eminentius Tua spectetur gloria. Adeo; ut non solius Macedonis aduentus Orphei simulacro sudorem expresserit; quasi ille cui arbores & sylvas in plausus excire parum fuerat; ad tanti Principis aduentum imparem erubesceret Cytharam: sed Tuus etiam, grandi meritorum mole in angustias reductis ingeniis, lene admouens tormentum, sudorem palloremq; eliciat: atq; silentio potius iubeat venerari; quam, ut tenuiori suadâ laudes Tuas deterere audeant præsumantq;. Hæc demum ancipitem cura, hæc difficultas sola circumstat. Ad auspiciatum enim ingressum Tuum, quo urbem hanc, animosq; omnium serenar; aut animum in vota plaususq; effundere; aut parum firmo, cum Phæétonte, vel Icaro, nisu, ceratifuè ope Dædalea pennis, proprio dedecori laborare, ineuitabile quidem omnino, omnino tamen subeundum. Nec moratur promptissimum in Tuas laudes studium, ingens ille, & se ipso maior Pellæi Iuuenis fastus, solius se Apellis pingi penicillo, aut Lysippi arte in æs incidi præcipientis; aut illa non omni ex parte augusta, nec augusti verè animi, Augusti Philautica, de rerum suarum fortunatis successibus; gloriatio & edictum; ne summorum etiam ingeniorum, nisi serium quidpiam, calamus indulgentior, de se præsumeret scribere, nomenq; suum impari elogio temerare: quin inter Ledeos obstrepat anser olores, ac inter summa, tenuiora etiam, in paginam, laudesq; Tuas, quarum immortalitas Tua torcular est, ingenia soluantur. Erigit namq; animum, quamuis longè imparem, incredibilis Tua, & in omnes æquanimis humanitas, ac modestia: quæ cum supra omnes laudes sita sit, patiatur etiam à minoribus prædicari. Auget fiduciam innata Gentilitæ Ascie Tuæ, non omnino ferrea indoles: nimirum non lethale, nec cruentum, subiectorum sibi pectorum visceribus infligere vulnus assueta; sed suaue: & quamuis præstantissima Cedris ipsis Dodonæâ syluâ excisis, palatia struere docta; non tamen, viliores etiam abietes aspernari solita. Et certè si mouerat Amphion saxa; si Threïcius Vates robora & sylvas; eiusdemq; simulacrum in Macedonis aduentu, sudore ad usq; stuporem seculorum manauit; velut in tanti Principis encomio, etiam

am

am elinguis statua desudaret: quis hîc rigentem etiam cum sa-
xis animum, ingeniumuè, teneat? vbi tu felicior, & extra fa-
bulas Amphion, non Thebanorum murorum; sed propriæ di-
gnitatis Dædalus, collectam maximam pretiosorum lapidum stru-
em, virtutum nempe ac meritorum cumulum, miro animi venu-
stissimi concentu, singulare humanitatis melos resonante, in vi-
cturum opus coegisti: quin inter adamantes, carbunculos, sma-
ragdos, berillos, saphiros, rudiores etiam silices gestiant prope-
rare: cûm ad hunc attriti chalybem, potius ex tenuitatis consci-
entia, ruboris; quàm ingratitude scintillas micare malint. Per-
mittes igitur ILLUSTRISSE DOMINE, exilis Oratoris co-
natum, ad hanc purpuratæ Curulis Tuæ Architectam accedere;
atq; tenues has leuesq; chartas, inter regulas augustæ istius Ædis,
ab edaci rerum imbre, temporumq; iniuria vindices, benignè
recipies.

Augustæ eminentissimarum stirpium moles, cûm suæ celsitu-
dinis verticem, quâ iulis, quâ meritis cælo inferunt; cûm im-
mortalitati student; continuam ab atavis ad nepotes illustrium
meritorum derivationem, poscunt operosæ eius fabricæ Archite-
ctam. Et quamvis gloriosior suæ quisq; laudis Dædalus sit; atq;
cuius, ad felicitatem omnium maximam emergere, virtutis ac
immortalitatis opus, communi idiomate censeatur; non est ta-
men otiosum, in altum amplumq; surrecturo operi, quadratos
supponere lapides, quibus superstruenda moles innitatur; sed ma-
gnum perennitatis auspicium. Citiùs tutiusue, in solido cæpta
perfici & consummari possunt; quàm quæ debili, aut nullo nixa
fundamento, simul ortum accipiendo, mox in speciosum quidpi-
am cupiunt eluctari. Citiùs Roma sub Augustis, in Orbis Domi-
nam crescet, quàm Baucidis casa, in Regiam Cyri. Vecors Py-
reneus, alliso ad saxa capite, serò luget; quòd ex Regia, ad Par-
nassi verticem subito euolaret. Multis hoc vitio laborantibus, ars
Dædalea quidem in amore; sed & casus Icari, pluribus in praxim
venit: cûm festiua non sint, quæ festina. Nec immeritò, ea res
apud laudantium genios, non contemnendo recepta vsui, quoti-
es in magnarum virtutum panegyres eundum est: vt absq; defor-
mi, assentationis suspicione, ac vectigali, in amplis earum ac vic-
nis cælo ædibus, à prima lapidis angularis indagine, ad summa
quæq; & pulcherrima contemplanda fastigia progrediantur. Non

enim sola inde magnorum Nominum gloriæ, magno vanitatis nihilo intumescens pompa struitur; cum è ruderibus Sarcophagi, ad celebranda Nepotum merita, augustos Maiorum Manes, in lucem reproducere necessum est. Imagines istæ sunt, ex quibus lineamenta virtutum, ideas nobilitatis, transsumant nepotes, non solam trophæorum, sed virtutum quoq; referentes hæreditatem: quibus non tantum natus in Herculeo Fabius lare, sed etiam Paulus, aut Cossus, aut Drusus moribus esse, laudi sit: qui aurum auro, lapides lapidibus, ad consummandam æternitate domus suæ fabricam, adijciant: nec quod illis alii struxerant, illi aliis destruant. Miltiadis hæc Trophæa statuuntur Themistocli; quæ, si, nihil moribus, omnia Maioribus debere non vult, æmuletur; aut etiam si fas est, (nullus autem virtuti terminus,) maiori virtutum nisu, plus vltra Herculeum assequatur. Atq; dum & mihi, de purpurata hac curuli Tua **ILLVSTRIS-SIME DOMINE**, eiusq; **Architecta Gentilitia Ascia** dicendum venit; ne Tibi hanc dignitatē, videar; cum potius Te illi debeam, gratulari; inde initium & auspici-um sumendum est, vnde Tibi virtutum omnium fomes, gloriæ calcar, honorumq; capacitas deriuata. Etenim splendidissimum hoc **Ferrum**, non tantum circa struenda, magnis virtutibus firma, meritorum amplitudine vasta, amore Patriæ, obseruantia legum & Regum, summis honoribus decora palatia, à prima sui origine hucusq; occupatur: sed etiam, adeò longo splendescit ab usu; vt in cuius primum Dædali manu visum sit, nulli penitus Liuius, Tacitoq; indagasse concessum fuerit. Eadem quippe primum illius visum obliterauit caligo, quæ & illos, qui vixere fortes ante Agamemnona: cum simplicitatis adhuc eò temporis, non literarum studiosa Lechia, caruerit Homero, qui gestorum tunc eius Iliadem, fastis connotasset. Hæc certe Ascia, non versutus ille Myrmidonum, Dolopumue, aut duri miles Vlyssi, equum, Troiæ in exitium conflauit; sed primus Regni huius Dædalus Lechus, **ILLVSTRIS-SIMAM TOPOREORVM DOMVM**, singulare Alitis suæ receptaculum exstruxit, præstantissimis semper columinibus abundans. vt non immerito, ab antiquitate, **STARZA**, natiuo idiomate nomen acceperit; quæ simul Lechicæ, simul suæ amplitudinis iecit fundamenta; priorq; aliis, (absit inuidia dicto) Gentilitiis armis, construendo Regno Lechico anteiuit. Ascia namq; ad fasces nata, si Romanis, maiestatis & iustitiæ signum, Tenedis, Lydisue, imperii ornamentum habita; nec Lecho necessum

fue-

fuerat, eripuisse Mineræ ægidem; ut nidulum suum tutasset: non sagittas Teucro aut Amazoni; ut propugnasset: non Perseo clypeos; ut protexisset: non clauas Herculi; ut magnificasset: non enes Macedoni; ut ampliasset: non falces Saturno; ut ditasset: non galeas Aeneæ; ut seruasset: non arcus Adrasto; ut circumscripsisset tantum, imperii sui fines: sola sufficiebat Ascia, omnibus responsura. Ita porro Ferrum hoc, ductile metallum est; ita sufficiens: ut quæcunq; siue in defensionem Patriæ, siue in vindictam iniuriarum, siue in ampliationem imperij, arma volueris; hinc abundè possis efformare. His decus & tutamen ab armis est. Quanquam rem loquor non ænigmata. Ab ea namq; temporum, usq; in hanc, reuolutione, quâ initia Lechiæ steterunt; non fuit Senatus absq; consilio Toporeorum: non castra, sine Duce: non commodum Reipublicæ, sine authore: non felicitas Patriæ, sine illorum triumphatore. Iuerunt semper, per cuncta honorum subsellia, & Reipublicæ munia, bello inuicti Camilli, Marcelli, Curii, Fabricii, Dentati: publicis Comitiorum rostris, Pericles, Appii, Demosthenes, Catones: Legationibus Cyneæ, Popilii: Tiaris Ecclesiasticis Augustini: Iudiciis, Tribunalibus, Aristides, Sulpitii: frugalitate Pisones: Sapientiâ Lælii: pietate Metelli: Toga & Sago, Cæsares, ex utroq;. Et cum alios fortuna, ut fauisset eis videretur, ex angulo detractos posuerit in sublimi, forsitan iterum, non absq; ludibrio in posteris lapsuros, ad prisco genere gloriantium, & numerantium in curribus Æmilianos, æmulationem: alios cum Xerxe, amplissimarum familiarum Gindes, in minutos deducens riuulos, maximos quondam alueos extenuauerit, & posteritatis inopiâ exsiccauerit: & rarus adhuc exstiterit; cuius virtutes nullo vitiorum confinio, cuius gloria, nullâ fallacis Deæ vicissitudine læderetur: hic seipsam fortuna exuit; ludere, alibi docta & illudere, ac alternas amans vices; maxima hic maximis succedere, non audet impedire. Fortunata hæc Architecta, ILLVSTRISSIMAM STARZANAM DOMVM, tanquam in Olympi vertice, omnibus fatorum imbribus intactam posuit & altiore, Marpesiâ caute, an contemnente fulmina lauro structam, omnibus illæsam furoribus iniquæ sortis: quasi in illam, nihil virium, potentia, iurisq; habeat: ut cum aliis stemmatibus sufficiat viros clarissimos mirari; Toporei extra metum defecturæ vnquam claritatis maneant, gentes integras, easq; Illustrissimas numerantes. Ab illo tempore, quo Proto

Dædali nostri Lechi proles defecerat, quæ inchoatæ tum nouiter Re-
ipublicæ gubernium iustinuisset; ideoq; in duodecem humeros Pa-
latinorum, summa rerum fuerat deuoluta; iam tum Architecta hæc
fastigium occupabat, nedum inter duodecim numerata Palatinos;
verum etiam summum gloriæ regimen assecuta, primas tanquam
Dictatore tenente Toporeo. Inde magno gradu, multisq; seculis
per magnos Comites in Panigrodz, Luknia, Danaborz, Preginia;
ad Setegios seu Sieciechos, maximis virtutum & honorum
cum incrementis, ingens hoc gloriæ Amphitheatrum deductum
est. Quorum vnus, Supremus Exercituum Imperator, & Cracou;
Palatinus, Sieciechouiensis Claustrum, cum BOLES�AO Chabri confun-
dator, magnaq; patrimonii parte auctor, Nepotem etiam Siecie-
chum Cracouiensem quoq; Palatinum, generalem Exercituum Re-
gni Præfectum, non modicum Gentis Starzanæ decus, Orbi Polo-
no ministrauerat. Grande hic Generis sui columnen; qui solus vir-
tute propriâ, ingentem istam Bipennium Domûs molem, sustentâs-
se posset æternitati: cuius tota etiam Regni Poloni Machina, cum
Ioue suo VLADISLĀO Hermanno, incubuit humeris, & Athlanti-
cos inuenit. Nullus illi honore, titulis, authoritate, & virtutis existi-
matione par; vt, qui etiam Sarmatici illius Achillis BOLESŁAI Cri-
uousti, nouennis Annibalis contra Bohemos, Pomeranos, & Cas-
subitas, in re bellica Chiron exstiterat. Taceo Zegotas, Nauogios,
Ottones, Castellanos, Palatinos, Cracouiensēs & Sandomiriensēs.
Non reuoco, Sago & Togâ incomparabiles Scipiones Lechicos Tę-
czynios; quorum angusta Polonia, famam summis dignitatibus e-
uectam, capere haud poterat: adeo, vt à Romanis quoq; Imperato-
ribus, quibus honori & amor fuerant; S. R. I. Comitum titulis, &
Curia Cæsareæ muniis ampliari debuerint. Non memoro Polo-
nos Pericles Ossolinios; quibus virtutis corona, Ducatus in Ossolin,
ab VRBANO VIII. Pontifice Maximo, & Principatus. S. R. I. à
FERDINANDO II. Imperatore oblata est. Non memoro religiosissi-
mos ZBYLVTAS; summos ingenio & fide erga Principem, VŁOSTOVIOS
Comites Xiaznenses: singulari pietate ac fortitudine præstantissi-
mos KORYCINSIOS Comites Pilecios; arte & marte clarissimos ZA-
KLIKAS. Immo neq; Tuæ Illustrissimæ TARŁOVIANÆ Prosapiæ per
Ottonem de Czekarzowice Palatinum Sandomiriensem à Nauo-
giis & Tęczygniis gloriosissimè continuatæ, sacrarium scrutabor cu-
riosius, aut splendores Ascia huius inspiciam liberiùs; ne excellens

sen-

senfibile pupillam euerberans, faciat cæcutire; cùm palpari eam
molem fabricæ immensam, etiam proprio exemplo edidici. Ete-
nim sicubi; hîc certè vel maximè, præstantissimam gloriæ & ho-
noris Architectam se ostendit ASCIA vestra. Quassata iam am-
plissima Teczyniorum domus, & in IOANNE Palatino Cracouien-
si, vltimo columine euerso, fatis succubuit. Iam & Ossoliniorum
Ducalis Mitra, pretiosissimas tot sibi excidisse gemmas ingemiscit.
Iam & aliis Ascix falx præualuit. TARLOVIANA, cum crescente
ætate, continua omnium ornamentorum capit incrementa: &
quò in vltiorem temporum sese extendit seriem; in maio-
rem promouet & conseruat immortalitatis amplitudinem.
Paucos admodùm, eosque memoriæ propiores proferre lubet:
in quibus splendor ferri huius, nunquam rubiginem contrahentis,
vtpotè assiduo virtutum, honorumque parandorum exercitio im-
morantis, visendum sese exhibet. NEORIVM, IOANNEM, & al-
terum IOANNEM, Sandomirienses Palatinos, magna Gentis TAR-
LOVIANÆ fulcra, magna Regni huius decora, summa in maxi-
mis negotiis robora, in summis periculis præsidia, grata illorum in
se meritorum Patria, nullâ vnquam ætate conticescet. Obsigna-
uit aurei æui Signaculum NICOLAVS, suis non minor Majoribus,
quos meritis & titulis non æquauit modò, verùm etiam superauit;
post amplissimos honores, Supremus Regni Cancellarius. Inscul-
psit Cedris, non intermorituræ famæ nomen suum IOANNES. In-
cisor Regni. Nec instar floris, tam diu. gratum, quàm diu recens,
in hæc vsq; tempora, veneratur Podolia beneficium HIERONYMI
TARLO, acerrimi sui defensoris: cuius tantus illarum partium sa-
lutis amor, & bellandi pro ea ardor, heroicum pectus infederat;
vt oblatum sibi à Rege SIGISMVNDO Sandomiriensem Palatina-
tum honorificè resignauerit; pluris æstimans, deciduos frontis in
laboribus pro integritate Patriæ sudores; quàm eam, quamuis me-
ritorum coronam: pluris cum laude laborem; quàm adeò subli-
mem honoris gradum cum quiete. Recitat adhuc ingentia in
Ecclesiam Dei, Leopoliensis Archicathedra, merita PAVLI TARLO
cuius sanctitatem, cultûs Diuini zelum, in ornamentum Domus
Dei, & pauperes munificentiam, humanitatem, plurimasque alias
verè Præsuleas dotes, non in rigentibus tantùm marmoribus, sed
viuentium etiam pectoribus, descripsit adamante. CAROLI VI-
sliciensis, SIGISMVNDI Sandecensis, dein Belzensis, IOANNIS
Bz Ra-

Radomienſis Caſtellanorum; IOANNIS & ADAMI Sandomi-
rienſium, IOANNIS Leopolienſis, NICOLAI Premyslienſis ve-
xilli-ferorum, ingenio & fortitudine clariffimorum merita, ſo-
nans late per Orbem Sarmaticum fama circumfert. Sed ne im-
morer, Illuſtriſſimæ Proſapiæ Tuæ recenſendis Numinibus, quo-
rum, ſoliùs æternitatis volumina, numerum & nomina compre-
hendunt: Parentis Tui Illuſtriſſimi PETRI TARſo, Palatini Lu-
blinenſis, auſtuſtos Cineres, liceat non nihil contemplari. Quantus
in illo Religionis zelus, quantus boni publici amor, legum ob-
ſervantia, Principi fides ſeruata, æquitatis cuſtodia, in agendo pru-
dentia, in conſulendo Sapientia enituit: recentem omnium teſtem
appello memoriã; in quorum ore, corona Senatûs, Pyramis Rei-
publicæ, exemplar purpurati Viri, etiamnum verſatur: vel ideò
deſiderandus; quòd proſpexerit, ne deſideraretur: tot Coloſſis, tot
ſtatuis auro fuſis ornandus; quot filiis Patriam dotauit. Trans-
tulit iam è mortali Senatûs Poloni Curuli, ad beatitudinis Regna
& Thronos, humanarum ſuprema moderatrix rerum dextera,
illuſtre Germani ſanguinis Tui par: alterius florem in herba cum
ſpei omine ſuccidens, Patriam Domumq; Illuſtriſſimam decore
non modico deſtituit: Alterum non ita pridem, IOANNEM pri-
mò Lublinenſem, deinde Sandomiriſem Palatinum: Togæ
decus, Purpuræ Senatoriæ ideam, Sapientiæ conſiliorumq; Gazo-
philacium, Regni Gentisq; ſuæ columen, ingentibus meritis, mul-
tâq; ætate fractum ſuſtulit. Suecica, Transyluanaq; tempeſtas,
ſeruilis Sparthaci Vkrainenſis fluctus; fœdifragæ, fuiſq; niuib; in-
ſtabilioris fidei Moſcuæ turbo, quantum illi Reſpublica debeat;
probauit. Languet adhuc recenti, & Tuum fraternum, & omnium
noſtrum pectus, vulnere quod dura Libitinæ falx infixit, & altis ge-
mitibus præcordia patefecit: erepto illo ſanctitatis, & purioris
vitæ exemplari, candoris lilio, prudentiæ domicilio, humanitatis
ac liberalitatis, pluribus quam Nylus oſtiis, in omnes profuſo al-
ueo, mentis & indolis magnanimitate examuſſim ALEXANDRO
Caſtellano Zauichotenſi. Lugent, lugebuntq; nec ſtatim areſcen-
tes profundunt profundentq; lachrymas, orbata tanto Parente
Niobes: tanto Senatore Patria, tanto Ciue Palatinatus Sando-
mirienſis, tanto vicino affines, tanto pauperes Mæcenate. Peren-
naturum quidpiam hâc veſtrâ Architectâ Aſciâ, ſummus vniuer-
ſi Architectus Reipublicæ huic ſtruendum deſtinauerat: dum vos

qua

quadratum fratrum numerum, quadrati, quia in omni bono & honesto firmati animi delegerat. cuius cum vnum obduxit mortalitate angulum; non hic superstes Ternio, absq; singulari fortunatissimorum, & Patriæ & vobis euentuum prælagio mansit. cum omnis perfectio notetur ternione, & numero Deus impare gaudeat. Huic lectissimo numero, Tu præis ILLVSTRISSE DOMINE. Te sequitur ILLVSTRISSE STANISLAVS, non degener acutæ virtutis hæres: gnarus optimè, Illustrissimam suam Asciam, virtute nonnisi, & magnis pro Patria ausibus politam, in splendoris luce conseruari: eam hostili sanguine, à rubigine vindicat S. R. M. Rothmagister. Eius pietatem amant superi: sapientiam veneratur Palatinatus Sandomiriensis, prudentiam ac Iustitiam Tribunalitius probat Areopagus: fortitudinem vidit ad Strigonienses Cannas Vngaria, mirabatur Poloni exercitus flos; sensit ac ingemuit (adeò fatalis hostibus Ascix huius ictus) barbarus Thrax; immò ipse Orbis Poloni Hercules, Heroum gemma Serenissimus IOANNES III. testis, singulari complexus est fauore: præmioq; laborum, calcari virtutis, Castellanatu Zamochosteni insigniuit. Complet numerum, & consignat Auræ Virtutis monumenta, viua maiorum Religionis, pietatis, humanitatis, ac omnium, quarum & hæres & author est perfectionum ac splendorum idea Illustrissimus SIGISMVNDVS Capitaneus Pilznensis. Possem hic Illustrissimos Lanckoronsiorum flammivomos Leones, quorum flamma claritatis, Leoninum Caput generositatis & magnitudinis, materno genere in Te ILLVSTRISSE DOMINE traxit derivationem: Possem Illustrissimorum, in Ostrog, Wisniowiec, Zbaraż, Klewan DVCVM, ZAMOYSCIORVM, LVBOMIRSCIORVM, TARNOVIORVM, SIENIAVIORVM, CHODKIEVICIORVM, DANILOVICIORVM, BRANICCIORVM, SAPIEHARVM, ZBOROVIORVM, FIRLEIORVM, aliarumq; primarum in Regno Familiarum ornata, quæ per affinitatem & sanguinem, vestris adjuncta sunt Splendoribus; addere: sed cum probè, palàmq; omnibus compertum sit, nullam propè ex insignioribus Regni huius Prosapiis esse, quæ non ^{aut in hac} aut ex hac propaginem habeant; intra modesti silentii cancellos me concludo. Dixisse sufficit, Illustrissimam STARZARVM DOMVM, plura Ecclesiæ, Patriæ, fulcra Colossis Rhodiis, aut Memphiticis Pyramidibus solidiora, & augustiora dedisse, maioriq; etiam num ornamento esse; quàm Romæ veteri Fabiorum. Sex &

Trecentos illos numerauerat vetus Roma, dum contra Veientes, priuato proprio sumptu & armis, belli molem suscipientes dimisit. Patricius iste exercitus, fortiter quidem; ~~at~~ animosius quàm felicius rem gessit: audaces fortuna non iuuit: vna dies tot seculorum decus abstulit: tot funeribus tristissimam Patriam fecere, cæsi omnes, memorandâ clade. Illustrissima Toporeorum gens, non duo fulmina belli Scipiadas; non trecentos & sex Fabios: sed vexilla septem Serenissimo LVDOVICO, Poloniæ & Vngariæ Regi, contra Ruthenos bellanti, vnius Stemmatissimæ bellatorum subministrauit: & longè feliciori euentu: nam victores reduces salutauit. Ita semper in maximis periculis, vnicum tutamen ASCIA: in maximo flore, vnicum decus ASCIA: in grauissimis negotiis, maximum robur ASCIA.

Tua sunt hæc Illustrissime Domine, Tua sunt: quæ longa à maioribus consuetudine, in Te sunt deriuata. At Tu quasi non Tua arbitratus, illos non in Tuam vixisse gloriam, nec quod ante Te fuit, Tuum esse vendicans, virtute propriâ quæsiuisti, quod Tuum esset, & esse crederetur. Suffecerat aliis nobiles esse fumosis plenum imaginibus atrium habentes: interea verò, nil nisi Cecropides: truncoq; simillimi Hermæ; nullo ab eis discrimine separati; quàm quod, marmoreum illi caput esset, sua verò viueret imago: tantum à Maiorum suorum gloria defecerunt; quantum illi ultra alios virtute, ac fortunæ fauoribus, euecti fuerant. Tibi verò ILLUSTRISIME DOMINE, non ita apprehensa Architecta Tua; vt structa maiorum dexterâ & dexteritate, gloriæ monumenta, disijceres, & destrueres; verum vt perficeres, vt consummares. Non solo antiquitatis pretio, & numerosis ingeniorum animarum simulacris, laureatisq; postibus, amplum gloriæ Tux palatium, sed gestorum etiam priorum nobilitate, constare voluisti: nec aliorum incumbere famæ; ne collapsa ruant subductis tecta columnis: cum author illius esse posses, nisi sis hæres. Atq; vt à primis perennaturi operis, ordiar fundamentis: dum Te animorum Heroïna, Illustrissima HEDVIGIS à Brzezic orbi protulit: mox annos pueritiæ excedentem, Lucina Polonorum ingeniorum, nutricali sinu excepit: iam tunc tanquam ex cortina, aut Timantis velo apparebat, quantus orbi Lechico Atlas futurus eras. vbi nihil puerile præter ætatem præferens, ingentem de Te expectationem faciebas. Eò quippe semper

uertisti animum ad summa natum, eò laborem omnem conatumq; contulisti; vt meditata omnia, & seriò magna agens, summis in Republica muniis, vires animi aptasses. Mirabantur tum omnes Diuinum illud in Te Platonis os, in quod apes non montem Hymettum, Thymi flore redolentem, sed Musarum Heliconios colles, omni genere sapientiæ virentes, Dearum instinctu depastæ, mella congeffissent; cum pro rostris, tum sacris, tum domesticis, & illi virtutum ac Scientiarum Magistræ vscatis, tenellus adhuc Tullius perorares. Stupebant raram illud & vix comparabile, omniumq; ferax & fertile Scientiarum ingenium: sed quid vnquam sterile est, vbi virtutis cultura accesserit? In hoc ergo curas in hoc cogitationes conuertisti; vt in omnium virtutum fundamentò, non tantum doctrinæ; sed & iuuentutis, & totius vitæ, ac immortalitatis ædem superstrueres. Videre iam tunc fuerat, compositissimam à natura & animo, ad omnem honestatem, indolem: religionis pietatisq; feruorem, morum grauitatem, raram ac inusitatam iuuenibus maturitatem; vt in ipsa quasi ætatis aurora, quendam exhibuisse meridiem videreris. Postquam verò benè cultum, magna; sapere doctum, inde accepisti animum, maximis illum Europæ populis visendum præbuiisti. Non Tetamen mens pulcherrimorum auida eò extulit; vt ibi depositoryum sapientiæ, vt exemplorum, vt virtutum thesauros, quæsiuisses: cum ea domi Tuæ abundè habueris: neq; vt à conspectu soli Patrii elongatus, pronæ in deterius licentiæ campum inuenisses; sed vt cognitis locorum hominumq; moribus & ingeniis, ea reportasses domum; per quæ Tibi & Tuis, Patriæque virtutis ac felicitatis accessio fieret. Non proinde mollis Campania Sardanapalum Te aut Annibalem, non Capua Cannas virtutis Tibi fecit: non tepentes Baix, feruorem boni restinxerunt; aut otij dulcedinem insinuarunt. vbiq; firmato, & aduersus omnes corruptelas, munito constantiâ pectore; illibatum orbi circumtulisti animum: viuens Deo, qui est dator vitæ: viuens conscientiæ, quæ est vita vitæ: viuens famæ, quæ est vita, post vitam hanc mortalem. Spectasti cultissimarum Nationum mores; & spectandam simul præbuiisti alti sanguinis propaginem; Polonæ generositatis Idæam; non Principibus modò illis; verùm & ipsi, cæli interris vicariæ Vaticanæ Sedi, amorem, delictum, venerationem, prædicationem. Sed iam Regnorum linguarumq;

notitiâ plenus, vt à peregrino Sole, in patrium solum eluctare-
ris; desiderio Tui æstians Patria Te reposcebat. vtq; primum
reducem, iam tum magnum illum & Senatum spirantem geni-
um consalutauit; in eminentissima specula ad Iouis Lechici, Se-
renissimi CASIMIRI latus, Polona Aquila, cultissimum Tu-
um deportauit animum; admouitq; Secretioribus Principis; vt
Regiâ viâ, in administranda dein Republica, gressus figere as-
sueuisses. Iuisti simul in Regiâ, simul in Regis penetralia, velut
simulacrum Phidiæ, semel visus, statim probatus; admissusq; in
cor Principis, non vt Damocles, Narcissus, aut Aristippus; non
occultis Veios cuniculis occupans; aut celato SINOIS arte e-
quo, Pergama illa inuectus: sed quod Ascix Tuæ innatū est, aperto
sincerissimæ in Principem & Rempublicam fidei, eoq; suauissi-
mo ictu, ac dulci vulnere, Capitolium illud, tot triumphatorum
Regum delubris augustum expugnans: vt qui rigentes etiam Al-
pes, miro animi temperamento, nouus animorum Annibal, per-
uasisses. Multis alias, sinceritatis hoc propatulum, cuspidi Ma-
cedonis, cum Clyto patuit: Tibi ad maxima quæuis, aditum pa-
refecit: ^{quæquam quid dico pate fecit.} cui nihil imperium, nata ad purpuram indoles fecerat.
Ergo statim, publicis negotiis animum adiiciens; non Tibi Soli,
sed Patriæ, sed Ciuibus, viuere volens, in aprium descendisti:
nihil magis odisse solitus, quàm Trophonii antra, & Cimmericas
tenebras; quas qui sollicitant; tantum in vmbris suis ad veram glo-
riam proficiunt; quantum excæcatus Tiresias ad splendorem so-
lis: tantum ad æstimationem suam addunt; quantus argento via-
lor est auaris abdito terris. Quidquid enim feruidior ætas habu-
it; quidquid bonæ mentis generosior genius suasit: id obsequiis
Reipublicæ, fauori Ciuium, boniq; parandi Nominis impendio li-
tasti. Miroq; prorsus artificio, miro felicitatis euentu, quamuis
amor extorqueri non possit, odium possit; ita in omnium pecto-
ra efficax fuisti, vt illorum amorem, Tibi omnino debitum le-
nibus tormentis expresseris, aureis virtutum compedibus, felicior
Hercule Gallicano, adstrinxeris. Nec mora, præclaras illas excel-
si animi dotes, nouus, Principis fauoris effectus confirmat & ex-
citât. vt in eminentiori specula, positas, clariùs Patria contem-
plaretur, amplecteretur. Iamq; Capitaneus STÆZICENSIS, non
metam benè merendi de Republica, & affectu Ciuium adeptus;

scd

sed calcar: quantò major haberi cæpisti, tanto maior esse. Fastigium aliis quantulacunq; dignitas est, & culmen, vt obtento præmio quiescant; aut saltem remissiùs agant: Tu TIBI retrocedere videbare, nisi continuis meritorum passibus, ad maiora semper processisses. Placet tamen, & vltiorum in Republica honorum incrementa auspicari, inde; vnde primordia sumpseras, scilicet ab amore Ciuum: quem vt tantò efficacius comparasses, tantò firmiùs retinuisses, sanguinis intercedentibus vinculis adstringere necessum erat. Nihil verò in Tuo Sandomiriensi Palatinatu supererat; quod non Tua ASCIA, Tui amore saucium reddidisset: omnium quippè, præcordia peruaseras. quærendus proinde fuerat, non jam cum Macedone Orbis alius, quo sedem Tuam transferres; sed Palatinatus: quo Tuam æstimationem extenderes; pluribusq; Tui amorem infereres. Et hic non alius obtingit, quàm Lublinensis: iam tunc arcano quodam consilio ordinantibus, ac destinantibus fati; vt ibi votorum Tuorum iecisses anchoram; vbi meritorum coronam accepturus eras: in eo campo Architectam ASCIAM Tuam defixisses; in quo Regales etiam Throni aliquando erant erigendi: in eum campum ad certamen amoris descendisses; in quo præmii certus fores: cum in eo non ferratis aculeis præpediens aliis iter fraudulentus Lescò; sed calcatis hostium ferramentis, stratisq; cadauerum aggeribus, tandem ad augusta prensanda sceptrà & diademata, eluctaretur IOANNES. IANINA inquam Illustrissimæ PSZONKARVM Domûs, amplitudinem gloriæ Tuæ vasto excepit sinu, vt ita ampliorem merendi campû habens, latius famam factis extendisses. Eum Tibi summâ facili^{tate} pandit, Illustris olim ac Magnus ADAMVS PSZONKA è vexillifero Chelmensi, Succamerarius Lublinensis, Vir nobilitatis gemma, Sapientiæ & probitatis amussis, prudentiæ absolutissima Ilias, fortitudinis, Martiorumq; in diuersis, contra Moschos, Suecos, expeditionibus, operum Idea, liberalitatis & Auitæ humanitatis exemplar; dum Tibi in Sacros Matrimonii nexus concessit vnicum magni sanguinis vnionem. Et certè nihil Tibi aut ad gloriam nobiliùs certiusuè; aut ad occupandos animos efficacius contingere potuit; quàm quod maximis Tuis ex Te ipso dotibus, hoc quoq; pignus accessit, Viri illius, arctissimâ sanguinis coniunctione venerabile: qui in Gentilitio Scuto suo, cunctorû animos feliciùs, quàm Diuinû Phidiæ^m Clypeo Mineruæ Athenis opus, triginta Deorû genesim, in

cōpendio referebat. Quid enim aut ille chariùs dare, aut Tu gratiùs recipere potuisti, cum hâc affinitate, non Paterni tantum cordis portionem; sed totius Palatinatûs Lublinensis pectora, inter pretiosa dotis monilia receperis? Firmum satis, ac æternitatis operi sustinendo par, quod non malignus liuor, non Diis proximæ virtutis comes inuidia, magnis obliqua semper meritis, mouere sedibus possit; fundamentum gestorum Tuorum habes: vt iam altiùs assurgat Architectæ negotium, manum admoue. Rarum tunc & ante id tempus vix auditum, abdicationis Regni, Comitiorum negotium imminebat: cum diuturnæ imperii curæ, natum quamuis ad Sceptra fatigassent: cum pomum illud aureum, ad quod capiendum sæpius inter plures, quam Iunonem, Palladem, Cypriamue, mille conatibus contenditur; diuturno vsu fastidium vtenti peperisset: & spontaneæ post solii fulgura vmbra, posita Maiestate reciperent Serenissimum IOANNEM CASIMIRVM: huic tanto negotio, probatam, Sandomiriensis Palatinatus, Ascia Tuæ, non ferream, sed auream, ad lydium lapidem, in priuatis multoties Comitibus, virtutem admouit. Incunabula quidem hæc Tibi, & rudimenta fuerant, in facie orbis agenti: sed ita maturo iudicio expedita, ita felici ac facili euentu confecta; vt in illo tyrocinio, veteranos etiam, dexteritate agendi, non æquares modo; sed & superares. Non promittebas Te futurum magnum, nec efformabas, sed tanquam in talibus; quia ad talia, natus, illic præstabas. Vidit tunc Regia Maiestas, illam indolem, quam lateri suo admotam habuerat; & indoluit, non sibi Principi talem Ciuem contigisse. Vidit Patria; & tacito cordis suspirio, benigni Numinis prouidentiam venerabatur; eum aliquando visuram Senatorem. Viderunt Proceres; & suæ gratulabantur felicitati, talem se fratrem & Collegam habituros. Inde tantò maior Tui veneratio & æstimatio: totâ mole Tuis incubuit humeris Palatinatus; iam passim ardua quæq; nisi Te arbitro, Te authore, confecta voluit. Sæpius generalibus Comitiorum confessibus adhibuit: sæpius publicis functionibus præfecit; ubiq; Tuæ prudentiæ, Tuæ fidei confisus: quàm tantò religiosius in Te coluit & æstimauit; quantò manifestius, non priuato bono; sed communi commodo seruientem, & quæ omnium, non quæ singulorum essent, respicientem, explorauit. Tantum enim abest, vt infami ambitione

ali-

aliquid expeteres: quamuis & hoc non semper ambitionis sit, non
ultra sortem suam auidius quidpiam consecrari; immò, sicut,
quantum velis, posse, felicitatis; ita magnitudinis, quantum
possis, velle, vt etiam cogi aliquando debueris: non, quasi
oneri ferendo impar; aut laborem inertiam refugiens; sed quia mo-
derationis amantissimus. Sapius hæc illi cum modestia Tua
lucta, felix speciosumq; certamen, in quo sæpe victor sæ-
pe victus fuisti: maximè tamen tunc, cum ad periculosæ ple-
num opus alex vocabaris; & eò pertinacius inflecti animo renu-
ebas; quò studiosius, plures per quæuis præcipitia, in idem ru-
entes, non sine horrore mirabar. Ita Tibi formidabile; aliis
optabile Iudicis munus: vt, quod illi hiantibus cum Tantalò fau-
cibus persequerentur; Tu ab eo animum, vt aspis ab incantanti-
bus auerteres. Sed cessisti tandem affectibus & votis omnium:
Iudexq; Deputatus ad Iudicia Regni Tribunalitia, renuntiari per-
mittis. Talem porro esse oportuit; quem non cupiditas, aut respe-
ctus; sed iustitia, sed zelus iniuriatorum, Collegio Iudicum adlegisset.
Quanta iam tunc hominum gaudia, qui plausus; cum Te Arcopago
illi insertum aduerteret: quæ facies; cum salutarèt? quæ vota cum a-
gnosceret, cum sententiâ audirèt. Non enim Tibi aures in pedibus: non
auro venalia iura: non lance iustitiæ, respectus detorsit ab æquilibrio.
Erecta & in diuersa flecti nescia, nunquã à recto deflexit. Asciam
Tua, quasi ferri exuta indolem, nunquam à magnete aureo pertrahi
solita. Exitialis sceleribus Securis huius ictus; vt nec aduri face
Herculis indigeret, à monstroso corpore auulsum caput, ne pul-
laret: procul tamen à Manliana securi, vt nimio legum zelo,
armata, in victores etiam filios sæuieret: ideò ad lites dirimendas
acutissima, & gladio Macedonis in Nodo Gordio felicior; ad vl-
ciscenda scelera satis hebes: & quod caput est; in tam forti lo-
cata dextera; vt elabi in præceps nunquam; rarò admoueri, nisi
premente iustitiâ, contingeret. Thebanum prorsus in Te omnes
venerabantur Iudicem: ad cuius laudes ne Carneades quidem suf-
ficeret: nec quod probauit hodie, cras improbare vel posset, vel
auderet. Placuit hoc cælo, placuit Orbi Lechico, animi. Tui in ob-
sequio Diuæ Themidis moderamen: iamq; agminatim ad Te
confluebant dignitates, quæ Regni, quæ Terrestris, Tuq; a-
nimo tanquam ab indole & virtutibus pulcherrimo, vt da-
rentur, concertabant; vt potè non ornaturæ, sed ornandæ.
Itum proinde in Te votis omnibus; vt dum orbata optimo Pa-

rente Serenissimo MICHAELE Patria esset; ad Iudicia Interregni Palatinatus Sandomiriensis, Iudex quoque deligereris. Nec suffecerat, conspiratis in Te animis Iudicem elegisse; nisi etiam eidem Iuri dicendo praesses. Diu quidem modestia Tua, cum illorum affectibus luctabatur: & vicisset fortè; nisi, quod sæpius recusare, ambiguam, ac potius illam interpretationem habens, tanquam minore putes, iterum Te vinci permisisset. Cogi verò non poteràs, nisi periculo Patriæ, in Te solo spes suas collocantis: nisi amore Ciuium, impellente. Suscepisti tandem onerosum Mareschalci & Directoris munus: & quanta cum laude peregeris, loquetur posteritas, titulis omnibus speciosius; non trabibus aut faxis; sed monumentis æternæ laudis incisum. Ibit in secula fuisse Iudicum Principem, Areopagi Præsidem, à quo non vt olim Delphici Apollinis Pythia, dum mouere Themidis Tripodem oportebat, implexis ambagibus populorum vota elusa; sed apertis illustrata responsis, omniq; caligine soluta, in veritatis luce collocata. Inde oppressio miserorum leuamen: inde Viduarum lamenta solatium capiebant. Te innocentia Patronum, iustitia defensorum poposcit, & experta est sincerissimum: ac ne quid effusæ bonitati deesset, humanissimi vultus inclinatione, omnibus æquè ac singulis exhibitâ, è voto cunctis cessuras res suas, vocali quodam silentio pollicebaris. Domum suam alius plurimo terrore muniisset; ne quis tenebras secretumq; captantem, & à conuictu hominum elongatum, non tamen forsitan Deo approximatum; (cùm & ipsi Numæ non semper cum Aegeria sermo fuerit) importuniùs adiret: obturasset cum Vlysse aures ad oppressorum gemitus citius, quàm ad Syrenum cantus: ignarus, quibus sibi parietibus, muris & satellitibus, authoritatem, securitatem, quietemue, & quiduis aliud tueri videtur; quibus dolum & iniustitiam, iisdem ultorem scelerum Deum inclusisse. Procul hæc à Te Illustrissime Areopagi illius Lycurge: Muniuisti Tu domum Tuam non circumstantibus telis, non seueritatis excubiis, sed amoris satellitio. Frustra se terrore cinxerit, qui septus non fuerit charitate. Hæc Tibi ara inaccessa, hoc in expugnabile munimentum, innocentia Tua, Sanctitas, iustitia, clementia. An paruum & illud moderationis Tuæ argumentum est, cùm amorem Tui in se pensando Palatinatus Sandomiriensis Vniuersi, Cætus ad Comitia congregatus, succamerarii munus, votis conformibus, conferret;

ferret; Tu quæ Tua singularis humanitas est, non quasi illud de-
dignatus, , altiora saperes, quibus Te semper dignum gessisti; sed
quasi minus meritis, suffragia omnia Tibi data, etiam proprio
adiecto, in Illustrem & Magnificum MARTINVM DE BICKI
deriuasti: vt sic maioribus in dies meritis, animos Tibi omnium
obligares. Cæterum in tanta modestia, tanto bonæ nominis fa-
mæ studio semper æstuabas, vt illam nunquam vllō in negotio
tām publico, quām priuato, infringi, nedum labefactari patereris.
Legat posteritas simile, memorent antea cta secula in quopiam
exemplum, quod omni æuo stupendum reliquisti: Detulerat Ti-
bi certo tempore Comitiorum regimen, liberorumq: sensuum
arbitrium, Tibi Arbitro subiecerat, optimorum quorumuis immo
omnium sententia. Egisti omnia, vt tanto Ciue, tanto Præsidi
dignum erat: sed non ex omnium voto. Quid ergo agit infame
illud monstrum non in Lernæa palude, non in Marathoniam aut
Nemæa sylua, non in desertis Lybiæ nec Hyrcanis nemoribus na-
tum; sed in humanis pectoribus enutritum, dira Celano, Harpy-
arum rapacissima, non Phinei dapes, sed Promethei vultur in-
nocentum famam lancinans inuidia, cælo propinquam gloriæ
Tuæ ædem, Enceladum & Briareum induta diruere, aut saltem
collidere conatur. At certe, si quando, tunc maxime se suis exar-
mauit iaculis: immò iisdem oppressa, inertiam suam Orbi de-
monstrauit vniuerso. dum velut densata nubium phalanx, limpi-
dissimum mundi oculum obscurare quodammodo intendens, to-
nando, fulminando, fulgurando, quasi sit vis ardentior intus, mox
disparere, & inualecente Solis ardore in nihilum vnde orta est,
abire cogitur: ita illa vbi vel maximè nocuisse visa, se ipsam con-
sumpsit: ac triumphare in aliis ad æternam labem damnatis as-
sueta, Te solum cui nocere voluerat, clariorem ac illustriorem
reliquit. Ita triumphata malignitate, Tu etiam clarior etiam glo-
riosior, euasisti. Conclussisset alium, priuatum cubiculum; nec
ampliùs, simili periculo præcauens, instabili hominum fidei, flu-
ctuanti procellæ, certo naufragio, vnicam hanc vitæ gemmam
credidisset: immò nec ossa ingrata Patriæ præbuisset. Tulenif-
simo animi temperamento, quamuis intimè inflatum de-
licatissimo cordi vulnus, ita obduxisti: vt ne cicatricem quidem
reliqueris, totus in amorem, totus in obsequia Palatinatûs effusus;
quasi nunquam læsus, in amore omnium perseuerasti, perrexisti;

ingratitude illorum vincens gratiis, vincens beneficiis. Non poterat certè meliùs Architecta Tua solidiorem æternitati Nominis Tui ædem struxisse; nisi etiam obstantia quæq; iustulisset: & ita victurum opus firmasset. Sublimi quippe sita in loco virtutis corona est, nec alia ad eam via, quam per aduersa, Alcides ab astris excluderetur, nisi tum in Nemæo, tum alibi eius dexteritas illuxisset. Non Atlas cælis gratus ac honorificus foret; nisi eorum baiulus extitisset. Scilicet secunda felices, aduersa magnos probant. Hoc igitur tanquam Hercinio saltu superato, Herculeis passibus ad summa quæq; iuisti, tantò ubiq; venerabilior; tantò gloriosior, quantò melior de inuidia triumphator. Sunt enim in honore hominum, & in honore famæ magna Nomina. Circumtulisti ubiq; animum illum & agendorum robore Atlanticum, & constantia Herculeum. ubiq; summis honoribus, summâ Tui æstimatione magnum: dum illum amicorum obsequiis, vniendis animis, vindicandis iniuriis, diudicandis æquitatis partibus impertires: dum domesticis Palatinatûs Comitibus interesses; dum linguâ omnium toties in Regni generalibus Comitibus perorares; dum dignitatem Palatinatûs, fortunas, libertatem, in Commissiones varias ferres. Desperabatur felix Comitiorum domesticorum exitus, vbi Tua non sperabatur præsentia. fluctuantes animi Ciuium & voluntates, in tanta præsertim Gentis nostræ libertate, sæpius vitiorum Aquilonibus commotæ, laceram Patriæ ratem, in Syrtes Scyllasq; præcipitabant; certumq; boni publici naufragium timebatur; vbi Tu felicior Neptunus, lenioris moderaminis tridente malaciam non reduxisti. factiosi publicæ securitatis pyratæ, opimæ inhiabāt prædæ, vbi Tua Bipennis vindex non sentiebatur. Iuuat in memoriam reuocare Cōmissionem illam, ad decernenda præmerita armorum præmia, Leopoli institutam; cùm Tu certè non minùs, quàm alias natum ad purpuram animum, agendi dexteritatem, prudentiam, & sapientiam demonstraisti. Iam propè conclusa erant omnia, iam summa operi manus imponenda, cùm Tu serò quidem, at nimium bene, illi Te coronæ Procerû intulisti, Palatinatûs Tui Cōmissarius. Tanta Personæ Tuæ veneratio, tanta oris venustissimi vis, tantum sapientissimorum doctorum robur erat; vt rerum illarum cursum, jam jam valido passu ad finem collimantium, non stiteris tantùm, atque ab ulteriori motu prohibueris; verùm etiam reuocaueris, immutaueris, in

Tuam

Tuam sententiam traxeris; vt magna tributi parte liber Tuus fieret Palatinatus. Steterunt attoniti Viri bellatores, & quorum, hostiles acies impetum non tardauerant, Tuo Periculis eloquio etiam retrogrados se ire stupebant: dederunt vinctas ASCIÆ Tuæ manus, quibus, fortissimorum hostium Atletas stringere, vulgare fuit ac vsitatum: vt vel in Te, illud fidem acceperit; cedunt arma Togæ: & vel Te Cynea, Pyrrhus plures cepisse Vrbes, quam ferro, potuerit. Adhuc restabat ad Coronam, vt Principi etiam notus esses, qui famâ Nominis Tui, non modo solum illius, sed orbem latè impleueras. Eligeris proinde vt linguâ omnium in Comitibus Generalibus functus, commissas à Palatinatu curas Patriæ, in facie omnium referres, & tuereris. Suscepisti id facîle, in quo non mediocriter toties, eidem muneri cùm præesses, versatus eras. Venisti eò, quo quidquid Sarmatia pulcherrimum habet, velut ad Emporium quoddâ conuehit. Ibi tot inter Tullios, Sulpitios, Catones, Messalas, Crassos, Hortensios, Demosthenas constitutus dum pro ea, quæ tantorum Virorum cum Principe confessum decebat, maiestate, Palatinatûs Tui Virorum Illustrium Seminarii Tuâq; dignitate, ore venustissimo intonares; mox, quod antea al omnibus audiebas, etiam Principis iudicio, maximus animorum Rex es confirmatus. Admisitq; hoc iudicium profundius speculum Regum Serenissimus IOANNES, & in illo triumphorum thesauro sinu suo, Te deposuit; in quo Oriens laceratus, Scythia compedibus vinctus seruabatur. Iamq; tunc eum honorem meruisse iudicatus fueras: sed nescissemus, quantum Tibi deberet Respublica; expectatum proinde tempus, est, in quo liqueret, non tam accepisse Te beneficium, quam dedisse: nec defuit in corona illa Senatûs Poloni locus, in quo hæc gemma poneretur, sed expectatum est, vt maiora, cùm in Rempublicam fuissent maxima, in Principem etiam merita elucerent. Ergo tandem fata viam inuenêre; quâ ad hanc, quam nunc fortunatissimus auspicaris, meritorum coronam deuenires. Stator Imperij nostri Iupiter Sarmaticus, Inuictissimus & Gloriosissimus Orientis Triumphator IOANNES III. dum seculorum opus in Comitibus Regni Generalibus Varſauia moliretur, cùm Viennam, cùm Austriam, Imperium, totam Christianitatem cogitaret; illiq; Polona pararet auxilia: subtraxerat fors inuida Comitibus illis, Palatinatûs Tui Consiliarios, dum coalescere Ciuium animi non poterant. Sed

hanc injuriam Patriæ, suamq; famam vindicantes, ita post conuenere; vt non tricornis Gerionis monstrum; sed septem Districuum vnum quasi euaderet corpus, etiam fide publica tanquam vnione mediante. Ita coniuratos Ciuium animos, quos ipse ad hoc induxeras, descriptosq; plures, quam trecentos quos *Matius Porfennæ* recitauerat, contra Patriæ, Patriq; Patriæ hostes, tulisti Principi, & iam conspirata omnium vota, cum Principis animo, in Te ipsum inuenisti: iuisti eloquentissimus Palatinatus Tui *Tullius*; & iam non Rostra sed Curulem ascensurus destinaris. Viderat porro ille animorum *Cato*, hunc in Te fidei erga se & Rempublicam Zelum: eumq; vt candidè dilexit; ita eo posuit in loco, ex quo latius tua merita spectarentur. Vidit prudentia illa, quâ *Epidaurio* serpente cernit acutiùs, vt optimos legat; vidit inquam & æstimauit, illibatae fidei pectus, actorum & agendorum dexteritate, summâq; prudentiâ fultum, quod augustorum facile capax foret. Probauit *Lydius* ille lapis, aurum approbas, reiiciens orichalcum, meritorum Tuorum pretium, quæ sine tinitu, verè aurea, pondus æternitatis explerent: gratulatusq; virtuti Tuæ, quod coronam illi arcana series ab alto hucusq; distulerit; donec haberet ipse, quo eam abundè coronaret. exoritur non exoratus, offert non offerenti: præuenit beneficio, ne præueniretur petitis. An enim fas erat differe, quod Patria, quod Ciues quod vniuersi homines tantoperè exspectabant. eiq; Regium non præstare fauorem, quem superum fauor, eo ipso dignaretur honore; cum aduersus viscerum Patriæ teredinem, eius *Asciam* armando, hanc illi præpararet Curulem. Interea non Tibi post labores quies, non otium: sed amplius mereri de Republica animisq; Ciuium placet. Impositum proinde à Palatinatu *Lublinensi*, onerosissimum Commissarii munus, Tibi est; vt etiam Virorum Martialium animos vincens, eò firmiorem fecisses gradum ad coronam. Non iam memoro, quanta cum laude, & æstimatione virtutis fideiq; spartam illam obieris: nam id per ora omnium sonat sonabitq;. Non Tibi in decernendis stipendiis mora: non illis parta sanguine armorum præmia Tecum in laboris præmium diuisa: cum summi præmii loco reputares, omnium, cum laude & veneratione amorem. Cum verò ita notus nimis omnibus, carus, ac venerabilis esses; non Tibi ipsi ignotus vixisti, nefas esse sciens, ita aliena agere vt Tui obliuiscaris.

Quis iam hic Tullius, quis Demosthenes? qui Tua immortalia gesta, non laudare, sed enarrare possit? non est istud exilis Orationis opus, cui Homeri Pliniiq; impares. Non mihi proinde priuatam domesticam vitam Tuam laudare, (quid enim mea laus Tibi lucis? plus caliginis adferre potest) animus est: sed ne recensere quidem facta omnia, quorum sola immensa æternitas, numerum in compendio refert: sed præcipua tantum capita, summis digitis decerpere. Habet hoc præcipuum magna fortuna, quod nihil tectum occultumq; esse patitur. Principum verò & Magnatum non tantum domos, verum & cubicula, & secretiores recessus pandit; omniaq; ibi, etiam Gygis annulo celata, famæ ac posteris noscenda exponit. Tibi verò ILLVSTRIS-
SIME DOMINE, non certè quidpiam sufficientius, aut accommodatius ad gloriam fuerit; quàm penitiùs inspicere. Maxima sunt ea quæ teste cælo, in publico agis. at non minora quæ limine tenes. Magnum est, quod infacie orbis sis optimus, non minus quod domi. Gloriosum est, quod præclaris Virtutum fulgoribus illustres Patriam; gloriosius, quod domesticos Tuos vitiorum caligine mergi non sinis; ut cum ipse rectissimus sis, omnes circa Te, Tui similes effeceris. Multorum illustrium claritati officiebant domesticæ tenebræ: & hæc infamia, illam gloriam pessumdabat: Tibi omnia in decus cedunt. ut Domum Tuam, Cyri Regiam merito affirmârim; cuius vniuersæ fabricæ moles, non tantum lapidibus candidis & nigellis, auro reuinctis structa, & columnis variorum colorum marmoreis, fenestris argenteis conspicua; sed ipsis etiam tegulis, Prasino lapide formatis decora, Tuæ examussim Architectæ Ascix opus est. Si enim alti sanguinis propaginem, eiusq; Sanctissimam educationem, sub Illustrissimæ Cōiugis Tuæ, quâ nihil claritate generis excellentius; cum in eodem gloriæ Campo, natiui splendoris auspicia sumpsit, in quo Regni & Christianitatis, defensionis & gloriæ scutum est: nihil sanctius cum omnis Sanctioris vitæ idea sit & amussis: maternâ verè heroicâ curâ intueor; Hecatombe est argiuo clypeo digna. quæ Tibi in Rosis ingentia spei fulcra, colossos immortalitatis erexit. Si per Domus aream oculos circumfero; omnis recti probiq; aduerto exempla: Non hic exulant, integritas, pietas,

& candor ab aula; sed perenne possident domicilium. Iam
quanta sit cultûs Diuini cura, quantus Zelus: loquitur monumē-
tum ære perennius, Templum Wisniovense, Tuâ munificentia,
à primis erectum fundamentis, consummatum, dotatum, omniq;
Ecclesiasticâ suppellectili abunde ornatum, & auctum: quanta in
pauperes liberalitas, testatur ibidem erectum & ditatum No-
socomium: testantur ubiq; locorum egeni, quorum miseræ Pa-
ter; testatur tum omnis Religiosorum catus; tum specialiter,
Sacer DIVI FRANCISCI Ordo, cuius singularis fautor & Pa-
tronus prædicaris. Idem quàm modicus cultu, quàm ciuilis inces-
su, quàm demissus animo: vt infimis etiam æquari velis; & cùm
nihil ad augendum fastigium super sit; etiam sic crescere debeas,
Te scilicet omnibus submittendo. Porro quàm Clero reueren-
tiam, quàm hospiti humanitatem, quàm omnibus omnia præ-
stes & exhibeas, vbi non mistæ crudis scommatibus dapes, sed
vera, sed sincera, & ornata grauitate, omnia nullam Tui satie-
tatem faciunt; expertos appello. Sed quid ego singula confector?
ceu vel tenui calamo circumscribere; vel (cùm nullum temporis
punctum, non vt Apelli dies, aut meritis sterile, aut vacuum lau-
de sit) omnia recensere possim; quæ fastis æternitatis ipsa im-
mortalitas insculpsit: digna sç; tantis meritis, terrestres ac Syde-
reas parauit coronas. Ad quas vt tandem capeffendas, aliquan-
do progrediaris, tempus utiq; est: Tempus Te illi præstare Cu-
ruli, vt eam suscipiendo & gerendo facias augustiorem. Ve-
rùm & iste passus, non sine meritis transigendus: optimè enim
magistratus magistratu, honor honore petitur: nec magis quid-
quam ad sequentes honores prodest, quàm peracti. Vocant
proinde & inuitant Ciuû Palatinatûs Lublinensis vota; poscunt-
que ut omniû dignitatem, omniû sensus, quos de tuenda &
conseruanda Republica haberent, Reipublicæ in Comitibus gene-
ralibus congregatæ referas Orator. Récusare non potes: nam
affectus fratrum, gloriæ stimulus, probata virtus, merendi studiû,
vehementiùs instant & vrgent. Suscepisti igitur volens nolensq;
Munus hoc; & ad illud gloriæ coronarûque theatrû perrexisti.
Vidit iterû quem toties ante viderat, illa omni Lugdunensi ma-
ior Ara, ille Areopagus Poloni Senatûs, vidit Princeps ipse, per-
tina-

tinaciter meritis continuis, ad gloriam, ad coronā contendente;
& ne sola rectè factis merces, rectè factorū conscientia sit, sed
insomnes circa bonum publicum vigilas, pretiosum Darii cerui-
cal reponat; maximum in primis præmium, suum Princeps iu-
diciū, suū ad coronam Suffragium; tūm pridem destinatā,
Tibi obtulit Palatinatūs Lublinensis curulem. Ad hoc audiebas,
Senatūs, populiq; applausum. nec vnus illud Principis iudiciū
fuit; sed qui ubiq; sunt homines, idem sentiebant, idem expe-
tebant, vt plane Palatinus esses, antequam fieres; eras enim in
animis, in iudiciis omnium. Orarum ad honores iter! non Te
propria cupiditas, non ambitio, sed pertinacissima meritorum as-
siduitas, sed publica omnium vota, & efficacissimum rogandi
genus actio gratiarum, fecēre Senatorem. procul quippe, eorum
proscripseras ambitum, quibus splendidius est habere nomina,
quā mereri: cū plumbeæ duntaxat animæ tollant ad fasti-
gia manus, mentes aureas ægrè cogas.

Ergo quò Te Tua deduxēre merita conscende felix: ingre-
dere fortunatissimo passu, hanc honoris Tui augustam ædem,
Tuā Tibi ARCHITECTĀ ASCIA fabricatam; cuius non so-
lūm limina, sed & animos omnium peruasisti. patent intima
cordium, patent arcana animorum, quibus pridem inuisceratus
es. Stringit dulcissimo complexu Patria, cuius filialem affectum
materno amore prosequēbatur semper: gratulaturque sibi Te in-
timioribus cordis sui admotum penetralibus; cuius si vnquam fi-
dele experta est; nunc tantò fidelius obsequium sperat. Ample-
ctitur Princeps tantum Ciuem: quem si pro integritate Patriæ,
Thronique sui maiestate zelantem semper, vidit; nunc tantò v-
berius, tantò arctius obligauit. Veneratur Senatus, tantum Col-
legam & Conciuem, curarum suarum leuamen, consiliorum so-
cium, honoris participem. Applaudit Vniuersa Respublica tanto
Senatori; cui cū toties dignitatem salutemq; suam credidisset;
nunc incumbet vt Atlanti. Recipit in sinum suū Palatinatūs Lubli-
nensis Nobilitas, quem tandem sibi exorata numina concesserunt:
cingitque publicæ lætitiæ columnis, obeliscis, Curulem Tuam,
quam Cedris meritorum perennem, gemmis virtutum decoram,
ad Sydera promouet Ascia Tua. necit perennaturas laurus, Pal-
las,

las Iagellonica Bipenni Tuæ : quæ si Mineruæ olim in capite Iouis, geniales toros dederat, etiam illi, formatrici quondam suæ, inter literatos eius applausus, suauissimum nouæ felicitatis & amplissimæ Protectionis Genetliacon, pollicetur. Non inuidebit credo POLONIA Epaminondas Thebis, Xerxes Cyrosq; Persis, Lacedæmoniis Lyfandros. Carthagini Annibales, Romæ Cæsares, Scipiones, Augustos, Traianos; cùm in vna Illustrissimorum TORPŒORVM gente numeret tot Zopyros. illos iam, quamuis superstitiosa antiquitas Deos fecerat; homines fuisse mortales, tempus docuit, in ære fuis etiam simulacris: Illustrissimum Chalybem Tuum, (votorum hæc ad Superos nostrorum summa est) struthio iste omnium edacissimus non consumet: quia immortalis gloriæ & honoris ASCIAM Diuina dextera fecit
ARCHITECTAM.



e lo-
sua,
am-
cre-
, La-
ares,
To-
muis
ales,
Cha-
est)
orta-

